

Illuutunik Inissianillu nalunaarsuiffik (IIN) pillugu Namminersorlutik Oqartussat nalunaarutaat

Sanaartorneq pillugu Inatsisartut inatsisaanni nr. 13, 26. maj 2010-meersumi, Inatsisartut inatsisaanni nr. 29, 13. juni 2023-meersumi allanngortinneqartumi § 17 b, imm. 1 aamma imm. 3, § 17 d, imm. 2, § 17 e, § 17 f aamma § 29, imm. 2 naapertorlugit aammalu naalagaaffimmi oqartussat isumaqatiginninniarfigereerlugit makkua aalajangersarneqarput:

Illuutunik Inissianillu nalunaarsuiffimmik pilersitsineq

§ 1. Illuutitut inissianullu tunngasut kiisalu teknikikkut atortulersuutit il.il. pillugit paasissutissanik nuna tamakkerlugu nalunaarsuiffimmik Naalakkersuisut pilersitsillutillu ingerlatsissapput.

Imm. 2. Illuutunik Inissianillu Nalunaarsuiffik kommunalbestyrelsimit ingerlanneqartoq, illuutitut inissianullu tunngasut kiisalu teknikikkut illuliat il.il. pillugit paasissutissanik nalunaarsukkanik tunngaviusunik imaqassaaq aammalu paasissutissat nalunaarsukkat pisortani oqartussanut, ingerlatseqatigiiffinnut ingerlatsinissamut akuersissuteqartunut, inunnut suliffeqarfinnullu atugassiissutigineqassallutik.

Imm. 3. Illuutunik Inissianillu Nalunaarsuiffik pilersinneqarsinnaavoq, taamaalillutik piginnittut Sullissivik.gl aqqutigalugu digitalimik atsiorneq atuuttoq atorlugu illuummi imaluunniit teknikikkut atortorissaarummi il.il. ataasiarlutik allagarsiussisinnaassallutik nalunaarutiginnissinnaassallutillu.

§ 2. Illuutunik Inissianillu Nalunaarsuiffimmi paasissutissat uppernartumik piffissalikkat, eqqortut tamakkiisullu nalunaarsorneqassapput, takuuk illuutit teknikikkullu illuliat il.il. pioreersut atorneqartullu kiisalu illuutit teknikikkullu illuliat il.il. sananeqaleruttortut tamaasa pillugit ilanngussaq 1.

Imm. 2. Illuliat tasaanersut illuutit imaluunniit teknikikkut illuliat il.il., Illuutunik Inissianillu Nalunaarsuiffimmi nalunaarsorneqartussat, kommunalbestyrelsip aalajangissavaa.

§ 3. Illuutunik Inissianillu Nalunaarsuiffimmi nunaminertap teqeqquisa nalunaarsorneqarneranni Nunaminertanut Nalunaarsuiffik tamanna pillugu najoqqutassatuaasutut akerlileruminaatsutullu atorneqassaaq.

§ 4. Illuutunik teknikikkullu atortorissaarutitik il.il., 1. januar 2026 sioqqullugu atorneqalernissaminnut akuerineqarsimasunik, tassanilu Kommunit ilisarnaataat, sumiiffimmut kode, kommunimi illumut normuliussaq, illup teqeqqui, najugaat, etage aamma immikkoortup normui, immikkoortup atorneqarfissaa

il.il. ilaallutik, Illuutunik Inissianillu Nalunaarsuiffimmi nalunaarsuinermi Najukkanut nalunaarsuiffik tamanna pillugu paasissutissanut najoqqutassatut akerlileruminaatsutut atorineqassaaq.

Imm. 2. Illunik teknikkikkullu atortorissaarutunik 31. december 2025-p kingorna atorineqalernissaminut akuerineqarsimasunik Illuutunik Inissianillu Nalunaarsuiffimmi nalunaarsuinermi kommunimi illut normuunik, illup teqeqquinik, etage-mik aamma immikkoortup normuanik pilersitsisoqassaaq.

Imm. 3. Illup teqeqquinut uuttuutit, takuuk imm. 2 kommunalbestyrelsimit suliarineqassapput aammalu Asiaq Misissueqqaarnerit ornigulluni illunik imaluunniit teknikkikkut atortorissaarutunik il.il. uttortaareerpat, nutarterneqassallutik.

§ 5. 1. januar 2026-mit atuutilersumik pisortat paasissutissanut nalunaarsukkanut tunngaviusunut nalunaarsuiffisa, illuutit teknikkikkullu illuliat il.il. taakkunani ilaasimappata, nalunaarsuinerminni, Illuutunik Inissianillu Nalunaarsuiffik tamanna pillugu paasissutissanut najoqqutassatut akerlileruminaatsutut atussavaat.

Imm. 2. Naalackersuisut aamma kommunit taakkulu ataanni suliffeqarfii IT atorlugu periaatsinik nutaanik pilersitsinerminni, nalunaarsuinerne illuutit teknikkikkullu illuliat il.il. ilaasimappata, 1. januar 2026 atuutilersumik Illuutunik Inissianillu Nalunaarsuiffik illuutit teknikkikkullu illuliatil.il. pillugit paasissutissanut najoqqutassatut akerlileruminaatsutut atorineqartussangorlugu, periaaseq aqqissuutissavat.

Imm. 3. Nunaminertat kommunalbestyrelsip illuliornermik suliasamik pilersitsivigisimasai tamarmik, Illuutunik Inissianillu Nalunaarsuiffimmi, kommunimi illumut naggataatigut normuliisoqarnissaata tungaanut, sanaartorfigineqartutut, nalunaarsorneqassapput, takuuk § 11.

Ineeqqat aamma inigisap annertussusaa

§ 6. Najugaqarfii immikkoortut init amerlassusai ilaatillugit nalunaarsorneqassapput. Init nassuiarneqarpoq tassaasut ineeqqat najugaqarfittut inatsisit malillugit atorineqarsinnaasut. Init igaffittut, uffarfittut, igaffiup silarliatut isaarissatullu aqqissuunneqartut, taamatullu atugassangortitat ineeqqatut isigineqangillat. Igaffik iniutigisooq ineeqqatut ataatsit nassuiarneqarpoq.

§ 7. Illuutit teknikkikkullu illuliaq il.il. quleriit tamakkiisumik angissusaanni kvadratmeterinngorlugu nalunaarsorneqassapput. Quleriit tamakkiisumik angissusaannik naatsorsuineq, Illuliornermi malittarisassani tamanna pillugu maleruagassanut sukulluunniit atuuttunut naapertuuttumik naatsorsorneqassaaq.

Imm. 2. Quleriit tamakkiisumik angissusaat tamarmiusooq naatsorsorneqassaaq aammalu najugaqarfinnut, inuussutissarsiornermut atorineqartunut ataatsimoortarfinnullu immikkut ittumik agguataarlugu nalunaarutigineqassalluni.

Illuutunik Inissianillu Nalunaarsuiffimmik kommunimi nutarterisarneq

§ 8. Kommunilbestyrelsip illuutit teknikkikkullu illuliat il.il. pioreersut atorineqalereersullu, paasissutissat kommunalbestyrelsip nalunaarutigineqarnerisa nalaanni tigummiat tunngavigalugit Illuutunik Inissianillu Nalunaarsuiffimmut nalunaarutigissavai.

Imm. 2. Kommunalbestyrelsi imm. 1 naapertorlugu kingusinnerpaamik 1. januar 2026 nalunaarutiginnissamat pisussaaffeqarpoq.

§ 9. Kommunalbestyrelsip kommunip nunami sumiiffiata iluani illuutitut teknikikkullu atortorissaarutitut il.il. tamanut Illuutunik Inissianillu Nalunaarsuiffimmiittut nutartertassavai.

§ 10. Kommunimi suliasap suliarineqarnera imaluunniit illumik imaluunniit teknikikkut illulianik il.il. piginnittumiit nalunaarutiginninnerup tamatumunnga pissutissaqalersitsisarnera ilutigalugu, Illuutunik Inissianillu Nalunaarsuiffik kommunalbestyrelsip ingerlaavartumik nutartertassavaa.

Imm. 2. Kommunalbestyrelsi imatut pisoqartillugu Illuutunik Inissianillu Nalunaarsuiffimmik nutarterisassaaq:

- 1) Illumut imaluunniit teknikikkut atortorissaarummut il.il. atuilernissamat akuersissummik tunniussisoqarpat.
- 2) Illup imaluunniit teknikikkut atortorissaarutip il.il. pissusiviusuni atorineqalernerata pillugu paasissutissat tiguneqarpata.
- 3) Illup imaluunniit teknikikkut atortorissaarutip il.il. pilersorneqarnera, atorineqarnera, aggulunneqarnera, ataatsimuulersinneqarnera imaluunniit aqqissuunneqarnerata allangortinneqarnera pillugu paasissutissat tiguneqarpata.
- 4) Illup imaluunniit teknikikkut atortorissaarutip il.il. isaterneqarnissaannik akuersissummik tunniussisoqarpat.
- 5) Illuutunik Inissianillu Nalunaarsuiffimmiittut paasissutissat eqqortuunngitsut kommunalbestyrelsip paasippagu imaluunniit ilisimalerpagu.

Imm. 3. Kommunalbestyrelsimi paasissutissat nutaat tiguneqarnerannit imaluunniit Illuutunik Inissianillu Nalunaarsuiffimmi paasissutissat eqqortuunnginnerisa paasisaqarnerata imaluunniit ilisimaneqalernerata kingorna kingusinnerpaamik ulluinnaat 21-t qaangiutsinnagit nutarterineq pissaaq.

Imm. 4. Illuutunik Inissianillu Nalunaarsuiffimmi paasissutissanik nutarterinermit oqaluttuarisaanermi paasissutissat nalunaarsukkat atatiinnarneqassapput aammalu paasissutissanit nalunaarsukkanit atuuttunit ersarissumik immikkoortisimaneqassallutik. Oqaluttuarisaanermi paasissutissat nalunaarsukkat, inatsit imaluunniit allaffissornikkut peqqussut malillugu tamanna pisussaasimangippat, allangortinneqassusaanngillat.

§ 11. Illumik imaluunniit teknikikkut illulianik il.il. sanaartornissamat nunaminertamik atugassiinissaq akuerineqartillugu, tamanna pillugu Illuutunik Inissianillu Nalunaarsuiffimmi nalunaarsuisoqarallassaaq, teqeqqui nalunaarutserlugit aammalu illup atorineqarfissaa Nunaminertanut nalunaarsuiffik inniminniinermik atorineqarfissaatut nalunaarsorsimasoq atorlugu.

Imm. 2. Kommunalbestyrelsi Illuutunik Inissianillu Nalunaarsuiffimmi nalunaarsuinermit atugassanik B-normuliigallassaaq, kommunimit inaarutaasumik illumut normuliinissap tungaanut, atuuttussamik.

§ 12. Pisortani oqartussat, ingerlatseqatigiiffiit inissianik aqutsisut, tamakkiisumik ilaannaasumilluunniit pisortani oqartussanit pigineqartut, kiisalu illumik teknikikkullu illulianik il.il. piginnittut piumaffigineqarnermikkut Illuutunik Inissianillu Nalunaarsuiffimmi nalunaarsuinermit

attuumassuteqartunik paasissutissanik uppernarsaatinillu tamanik kommunalbestyrelsimut nalunaaruteqassapput, takuuk ilanngussaq 1.

§ 13. Pisortani oqartussaq kukkunernik imaluunniit amigaatinik paasisaqarpat imaluunniit Illuutinin Inissianillu Nalunaarsuiffimmi kukkusoqarsimasoq amigaatinillu peqartoq paasitineqaruni, tamanna pillugu paasissutissat kommunalbestyrelsimut nalunaarutigineqassapput.

§ 14. Kommunalbestyrelsip 1. januar 2026 atuutilersumik paasissutissat Illuutinin Inissianillu Nalunaarsuiffimmiittut tulleriissaartumik aaqqissuussaasumik nakkutigineqarnissaat aaqqissuutissavaa.
Imm. 2. Illu imaluunniit teknikkikut illuliat il.il. pillugu paasissutissat tamakkerlugit nalunaarsorneqassapput. Paasissutissat amigaataasut pisortani oqartussanit, ingerlatseqatigiiffinnit inissianik aqutsisuusunit tamakkiisumik ilaannaasumilluunniit pisortani oqartussanit pigineqartunit kiisalu piginnittunit pissarsiariniarsarineqassapput.

Piginnittup paasissutissiisussaataitanaera

§ 15. Sanaartugaq imaluunniit teknikkikut illuamik il.il. piginnittup paasissutissat tamarmik Illuutinin Inissianillu Nalunaarsuiffimmi nalunaarsorneqarsimasut misissussavai.

§ 16. Illumik imaluunniit teknikkikut illuliamik il.il. piginnittup kommunalbestyrelsimut nalunaarut tunngavigalugu imaluunniit allanik tunngavilimmik Illuutinin Inissianillu Nalunaarsuiffimmi paasissutissat kukkuneqartut ilisimalerpagu, piginnittoq kommunalbestyrelsimut tamanna pillugu nalunaarutiginnissaaq.

§ 17. Paasissutissat Illuutinin Inissianillu Nalunaarsuiffimmi nalunaarsorsimasut imaluunniit nalunaarsorneqartussanngorlugit nalunaarutigineqarsimasut uppernarsaqqullugit, kommunalbestyrelsip illumik imaluunniit teknikkikut illuliamik il.il. piginnittoq peqqusinnaavaa.

§ 18. Illut teknikkikkullu illuliat il.il. Illuutinin Inissianillu Nalunaarsuiffimmi nalunaarsorsimasut allilerneqarpata, piiarneqarpata, allanngortinneqarpata, immikkoortinneqarpata imaluunniit kattunneqarpata, piginnittup paasissutissat Illuutinin Inissianillu Nalunaarsuiffimmi nalunaarsorneqarnissamat attuumassuteqartunut tamaasa kommunalbestyrelsimut nalunaarutigissavai.

Imm. 2. Allanngortitsineq naammassineqarpat imaluunniit pissusiviusuni atorneqalerpat, imm. 1 naapertorlugu paasissutissat nalunaarutigineqassapput.

Imm. 3. Inissianut nammineq pigisanut tunngatillugu, illuutip inissianut nammineq pigisanut aggulunneqarnera imaluunniit aggulunneqarnerata allanngortinneqarnera pillugu nalunaarutiginninneq Kalaallit Nunaanni Eqqartuussivimmi nalunaarsorneqartussanngorlugu tunniunneqarpat, paasissutissat nalunaarutigineqassapput.

Illuutinin Inissianillu Nalunaarsuiffimmut nalunaarutiginninneq

§ 19. Paasissutissanik ilanngussaq 1 naapertorlugu Illuutiniik Inissianillu Nalunaarsuiffimmi nalunaarsorneqartussanngorlugit nalunaarutiginninneq. Sullissivik.gl aqutugalugu Illuutiniik Inissianillu Nalunaarsuiffiup nittartagaani nalunaarutiginninnermut immersugassaq atorlugu pissaq. Taamaattoq paasissutissat uppersaatillu allatut kommunalbestyrelsimut nalunaarutigineqarsinnaasut imaluunniit nalunaarutigineqassasut, kommunalbestyrelsip aalajangersinnaavaa.

Imm. 2. Kommunalbestyrelsip imm. 1 naapertorlugu nalunaarutiginninneq akuerippagu, Illuutiniik Inissianillu Nalunaarsuiffimmi paasissutissat nutarterneqassapput.

§ 20. Paasissutissat ingerlaannaq takuneqarsinnaasunik kukkuneqartut naliliisoqarpat, kommunalbestyrelsi paasissutissat §§ 16-17 naapertorlugit nalunaarutigineqartut iluarsaannissaannut pisussaaffeqarpoq.

Imm. 2. Nalunaarutiginninnerup aammalu pissusiviusunut tunngasut imminnut naapertuutinningsut pasitsaassinermi, kommunalbestyrelsip nalunaarutiginninneq akuerisinnaangilaa.

Suliffeqarfii pilersuisut pisortanilu oqartussat nalunaarutiginninnissamut pisussaaffeqarnerat

§ 21. Suliffeqarfii pilersuisut aamma pisortani oqartussat, illunut teknikikkullu atortorissaarutitut il.il. innaallagiamik, imermik kiassarnermillu kiisalu imikoorummik eqqaanissamut pilersuisut, paasissutissat Illuutiniik Inissianillu Nalunaarsuiffimmut nalunaarutigissavaat. Nalunaarutiginninneq ilanngussaq 1-imi maleruagassat malillugit pissaq.

Imm. 2. Suliffeqarfinit pilersuisunit pisortanilu oqartussanit paasissutissat ukiumut sisamariarluni, ulloq 10. januar, 10. april, 10. juli aamma 10. oktobari, nutarterneqartassapput.

Illut teknikikkullu illuliat il.il. eqqissimatitat eriagissassallu.

§ 22. Illunik teknikikkullu atortorissaarutitut il.il. eqqissimatitsineq pillugu paasissutissanik sapinngisamillu uppersaammik Nunatta Katersugaasivia Allagaateqarfialu kommunalbestyrelsimut nalunaaruteqassaaq. Kommunalbestyrelsi Illuutiniik Inissianillu Nalunaarsuiffimmut nalunaarutiginnissaaq.

§ 23. Kommunalbestyrelsi illut teknikikkullu illuliat il.il. eriagisariallit pillugit Illuutiniik Inissianillu Nalunaarsuiffimmut nalunaarutiginnissaaq.

Paasissutissanik nalunaarsukkanik ingerlatitseqqiisarneq

§ 24. Illuutiniik Inissianillu Nalunaarsuiffimmi paasissutissat tamanit pissarsiarineqarsinnaangillat aammalu paasissutissanut nalunaarsukkanut najoqqutassanik allanik nutarterinermi ilaatinneqarsinnaanatik imaluunniit suliassani allani pisortani oqartussat suliarisassaanni ilaatinneqarsinnaanatik.

§ 25. Illuutunik Inissianillu Nalunaarsuiffimmi illuutit aamma teknikkikkut illuliat il.il. pillugit paasissutissat, Illersornissamut ministereqarfimmit imaluunniit Inatsisit Atuutsinneqarnerannut ministereqarfimmit atorneqartut, Illersornissamut ministereqarfimmit imaluunniit Inatsisit Atuutsinneqarnerannut ministereqarfimmit sioqqutsisumik allaganngorlugu akuersissuteqartoqarsimanngippat, pissarsiarineqarsinnaanngillat imaluunniit allanut ingerlateqqinneqarsinnaanatik.

Imm. 2. Illuutit aamma teknikkikkut atortulersuutit il.il., suut imm. 1-imi pineqartunut ilaatinneqassanersut, naalagaaffiup allaganngorlugu Naalackersuisunut nalunaarutigissavaa. Naalackersuisut illuutunik aamma teknikkikkut illulianik il.il. imm. 1-imi pineqartunut ilaatinneqartunik Illuutunik Inissianillu Nalunaarsuiffimmi nalunaarutiginnissapput.

Imm. 3. Illuutit aamma teknikkikkut illuliat il.il. imm. 1-imi pineqartunut ilaatinneqartut pillugit Illuutunik Inissianillu Nalunaarsuiffimmi ikkussinerit taamaallaat inunnit isumannaallisaanermi akuerineqarsimasunit suliarineqarsinnaapput.

§ 26. Illuutit aamma teknikkikkut illuliat il.il., attaveqaasersuutaasut pingaaruteqartut pillugit Illuutunik Inissianillu Nalunaarsuiffimmi paasissutissat, sioqqutsisumik Naalackersuisunit allaganngorlugu akuersissuteqartoqarsimatinnagu takuneqarsinnaanngillat imaluunniit allanut ingerlateqqinneqarsinnaanngillat.

Imm. 2. Illuutit aamma teknikkikkut illuliat il.il., imm. 1-imi sorliit pineqartunut ilaasutut isiginerlugit, piginnittoq imaluunniit ingerlatsinerimut akisussaasuusooq Naalackersuisunut allaganngorlugu nalunaaruteqassaaq. Illuutit aamma teknikkikkut atortulersuutit il.il. imm. 1-imi pineqartunut ilaanersut pillugu Naalackersuisut aalajangiissapput aammalu Illuutunik Inissianillu Nalunaarsuiffimmi nalunaarutiginnissallutik.

Imm. 3. Illuutunik Inissianillu Nalunaarsuiffimmi paasissutissani ikkussinerit, takuuk imm. 1, taamaallaat inunnit isumannaallisaanermi akuerineqarsimasunit suliarineqarsinnaapput.

Pineqaatissiissutit

§ 27. Kalaallit Nunaannut Pinerluttulerinermut inatsimmi maleruagassat malillugit akiligassinneqarluni pineqaatissinneqassaaq, piaarluni imaluunniit mianersuaalliorujussuarluni

- 1) § 15 malillugu nalunaarutiginninngitsoq,
- 2) §§ 16-17 imaluunniit § 19 malillugit paasissutissanik nalunaarutiginninngitsoq,
- 3) paasissutissanik § 18 imaluunniit § 22 malillugu piumasarineqartunik piffissaagallartillugu nalunaarutiginninngitsoq,
- 4) § 20, § 21 imaluunniit § 23 malillugu piumasarineqartumik nalunaarutiginninngitsoq,
- 5) paasissutissanik Illuutunik Inissianillu Nalunaarsuiffimmi nalunaarsorneqartussanik eqqunngitsunik nalunaarutiginnittoq imaluunniit tunniussisooq imaluunniit,
- 6) paasissutissanik Illuutunik Inissianillu Nalunaarsuiffimmeersunik pisinnaatitaanani pissarsisooq imaluunniit,
- 7) paasissutissanik ukunannga §§ 25-26-mi pineqartunut ilaasunik pisinnaatitaanani pissarsisooq imaluunniit ingerlateqqiisooq.

Imm. 2. Kalaallit Nunaannut Pinerluttulerinermut inatsimmi, kapitali 5-imi maleruagassat malillugit inatsisitigut pisinnaatitaasut pisussaataitaasullu imm. 1 naapertorlugu akiliinissamik peqquneqarsinnaapput.

Atuutilerneranut aalajangersakkat

§ 28. Nalunaarut manna ulloq 1. januar 2026-mi atuutilerpoq.

§ 29. Nalunaarummi Illersornissaqarfik Pituffik pineqartunut ilaatinneqanngilaq.

Namminersorlutik Oqartussat, ulloq 22. december 2025

Aqqaluaq B. Egede

Isumaginninnermut, Suliffeqarnermut, Ineqarnermut, Attaveqaasersuutininut, Isorliunerusunullu Naalakkersuisoq

/Ruth Lindhardt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

